



De momento, me Proponen estar astronauta

Daniel Giménez Mas
Alumnau d'aragonés d'o CRA A Redolada
(Peralta d'Alcofea, Berbegal e Laluega)

Texto: Daniel Giménez Mas


Dibuijos: Alumnau d'aragonés d'o CRA "A Redolada"

(Peralta d'Alcofea, Berbegal e Laluega)

Diseño y maquetación: Publicomp

Edita: Gubierno d'Aragón. Dirección Cheneral de Política Lingüística

D.L.: Z 1011-2019



Capítol 1. Án soi?

Desperté en una cambra a rebutir de chen. Bueno chen, yeran sers extranios, no teneban o numero correcto de didos en as mans, de color más blanco que a bufina, os uellos yeran chigans, como si los esen feito pa un *manga*, no teneban pelo, pero no les feba falta. A cabeza la teneban cubierta por una espezie de piel, pero no yera piel, yera diferén, como de sierpe, pero más dura e sin que se veyese garra escata, de color pardo, d'un pardo como de noguera, con as mesmas rayas, más u menos escuras, pero totas pardas. –Pero quí son ixos, por qué son tan extranios– pensé. Me miré arredol, pero no i eba garra finestra, solo una puerta, zarrada.



En ixas que uno d'os que astí i yeran, venió enta yo e prenzipió a fer uns sonius extranios, pensé que me yera fablando, pero... cómo iba a entender-lo? Veyé que teneba un artefacto en a man.


– Querrá que le'n pille? –me dizié pa yo. Y asinas lo fazié. A resta se prenzipión a meter niervosos.

– Qué tos pasa? No veyez que no entiendo cosa? Que no t'entiendo tío, que no sé qué me yes dezindo, que no sé qué quiers que faiga con esto (amostrando-le o catatico).

– Vale, creigo que con ixo ya ye prou –dizió ixa extrania forma de vida.



- Cómo? No, si agora resulta que charraz aragonés, esto ya ye...
- Hahaha. No, ombre, no, deixa que t'explique. Nusatros somos os abitadors d'o planeta Runcoria, somos os runcorianos. Creigo que vusatros clamaz Proxima zentauri a o nuestro sol, e que baltizez a o nuestro planeta como Proxima b.
- Cómo sabez tot ixo?
- Sí, lo siento. Ye que dende que notemos que nos descubriez emos punchau as vuestras comunicazions a fin de saber más de vusatros. Querébanos saber si yeraz chen de buena indole pa establir un primer contacto.



- Asinas que ez dezidiu que somos dignos de fer ixo primer contacto?
- No exactamén, en realidat pensamos que no en soz, encara i ha muitas guerras internas, os vuestros gobernadors son corruptos u inútils e os periodistas mayoritariamén mienten e manipulan.
- Oh, pos si ye asinas, me puez dezir qué foi aquí e por qué sabes charrar aragonés?
- A ixo iba. Primero, m'entiendes en a tuya lengua, pero yo soi charrando en a mía. M'explico. Ixo que tiens en a man ye un traductor universal. Somos una raza exploradora, que recorre a galaxia en busca de zivilizacions avanzadas con qui fer contacto, asinas que con este catatico podemos entender-nos con cuasi cualsiquiera, pero le fa falta que o sucheto diga bella frase en o suyo idioma pa que o traductor faiga o suyo treballo. Por ixo en primerías no m'entendebas, e dimpués que has fablau, sí que m'entiendes.



En cuanto a por qué yés aquí, ye simple, a tuya raza no ye presta pero, por contra, o tuyo planeta ye en grieu periglo. Como encara no fez viaches espazials, i ha razas por o cosmos que tos consideran formas de vida inferiors como vusatros consideraz a os animals d'o vuestro planeta, pa que m'entiendas.


– Vienen a destruir o planeta?

– Pior, vienen acotolar-tos e quedar-se-ie. E por ixo somos aquí. Nusatros formamos parti d'os Planetas Federaus Libres, e como somos os más zercanos a vusatros tenemos o treballo de defender-tos. Pero hemos visto que i ha personas que pueden estar dignos de formar parti d'a Federazión, más que más, zientíficos. Tos emos abduzito pa preguntar-tos si en querez formar parte. E quí sabe, talment en bel año o planeta pueda integar-se-ie.

Me feba cruces. De verdat yera en una nau espazial? O pior yera que no le'n podeba dezir a dengún. O millor yera que eba cumpliu o mío suenio, explorar l'universo. Que si azeptaba, prou que azeptaba. Yera feliz que no en podeba más.



Poco tiempo dimpués, me levaron enta o suyo planeta, yera a saber qué polito. I estié seis meses terrícolas, alto u baixo, u a lo menos ixo me dizioron, no yera fázil controlar o tiempo si ye siempre de día. Sí, exacto. O movemento de traslación e rotación s'igualan e o planeta e o sol siempre se dan a mesma cara l'uno a l'atro. A cuestión, que ya yera presto pa fer viaches espazials, descubrir más planetas. Asinas que imos-ie!



Capítol 2. A velocitat superluz!

Malas que completé o entrenamiento militar teneba que puyar a una nau espacial, veyer cómo funziona. Una mena de curso basico de pilotache espacial.

–Posa-te aquí, Lorién –me dizió qui yera o capitán– ye o puesto d'o zientifico d'o puén, pasarán muitos años dica que puedas fer-lo de forma ofizial –asíntié y fazié lo que me deziban.

Ya eba aprendiu qué razas yeran periglosas, e cuál d'ellas yera a que menazaba a o mío planeta, os Turz, uns reptilianos que ya conformaban un imperio por buena parte d'a galaxia. Por agora, no i eba periglo, porque a Federazió nos defendeba, pero caleba estar alerta.



En os primers días entendí o mío propósito en a nau, que yera empregar os instrumentos de medición pa dezir-le a o comandán a información que precisaba en cada momento, o nome d'a nau yera "a dondiadera", porque yera una nau d'exploración. Más que más, yera una nau de practicas d'exploración, que dondiaba, por a galaxia pa que os novos cadetes fesen practicas reais.

Ébanos plegau en un planeta desconocido. O capitán pediu datos.

– Tipo de planeta, cadete científico.

– Planeta tipo 1, señor. –Os planetas tipo 1 eran os que teneban toz os elementos pa tener vida, e regular que en tendrían, a resta importaba pouco u brenca, alguno de tipo 2 u 3 se podía apañar pa bella comunidade minera e pouco máis.

– Tipo 1? Caldrá baixar a ver-lo. ¿ha formas de vida, cadete?



- Asaber-las señor. E muitos nuclios de poblazón, pareixe estar que i ha vida intelichén.
- Intelichén? A un caso, veyes satelites en orbita? U bella nau entrando e salindo de l'atmosfera?
- No, señor.
- Prepara-te, tu tamién baixarás con a expedición.
- Si, señor.

A gabina de teletransporte nos ninvió a lo que yera de seguro a superfizie d'o planeta, encara no teneba nombre. En que arribemos a un nuclio de poblazón veyemos que yeran humanoides, a suya piel yera escura, yeran muito baixos comparaus con yo, yeran en un sistema estelar binario, ye dezir, teneban dos sols. E ixo eba marcau a vida d'esta chen, teneban zelulas fotovoltaicas por tot, cubriban toz os edificios, esta chen eba aprendiu que a millor manera de tener enerchía yera aproveitar os suyos dos sols.



No tardaron a veyer a nuestra expedizi3n.

– Oh, no. Nos han visto –dizié.

– E qué?


– Que influiremos en a suya evoluzi3n. Ixo no ye bien.

– Esto ye a realidat, no pas Star Trek. Si arriban aquí os Turz no serán tan niquitosos. Tenemos que conoixer-los antes y establir relazi3ns si en son mereixedors. Emplegan enerchías renovables, ixo ye bien. Imos a veyer qué nos cuentan.

– E por qué no faziez ixo en A Tierra?

– Pos porque A Tierra yera dentro d'as buegas que a federazi3n puede defender, esto ye fuera de tot control.

Saliemos d'o nuestro esconderillo, y caminemos enta os pobladors d'o planeta, con o traductor en a man, como eba d'estar. Cuan o traductor fazió efecto empezipi3 a charrada.



Les contemos que yéranos exploradors d'una gran federazi3n de planetas e que querébanos fer amistanza con els. Prou que esto les agradó muito e quedoron muito contentos con o suyo primer contacto. Dende allora una nau diplomatica d'a federazi3n se'n encargaría. O viache teneba que continuar.

- Rumbo 3, 6, 9, piloto.
- Sí, señor. Rumbo fixau.
- Entabán. A superluz 3.

Superluz 1 yera a velocidat d'a luz, 2 yera o dople, 3 o triple, e asinas-asinas. Esta nau plegaba dica o 5. No yera d'as más rapedas, pero yera una velocidat prou buena.



Capítol 3. A o rescate!

- Señor, detecto un sinal subespacial d'emerchenzia. –Dizié.
- Fixe o rumbo enta ella, piloto.
- Rumbo fixau.
- Velozidat subluiz.
- Pareixe una nau de mercadurías, e no pareixe tener danos exterioris.
- Chefe de comunicazions, ninvie un mensache en totas as frecuencias.
- No contestan.
- Mierda! Caldrá ninviar-ie una nau auxiliar. Equipo d'exploración preparen-se. Lorién, vusté tamién.

A nau yera vueda, no i eba ni corpos ni garra atra cosa. Yera muito raro. En ixas que un estrapaluzio fazió crebar o silencio. Toz corriemos pa veyer qué yera. No nos lo podébanos creyer. Toz os tripulans, que en yeran solo que vente, yeran penchaus d'a paret en una mena de madaixas.

En ixas que uno d'ellos empezipió a mover-se e a emitir muitos rudios. –A veyer si o traductor pilla bella cosa –pensé, mientras l'acercaba o catatico.

Pero no, levaba ratos fendo ruidos y esbrunzes e ixe traste no deziba cosa. De momento, prenzipiú a ir enta nusatros, a suerte queriú que o traductor empezíase a traducir.

– Socorro, no sé qué m'han feito, cuasi no puedo pensar con claridat.

– Qué ha pasau aquí –diz o capitán Lurp, que eba veniu con a expedición.

– No lo sé, venieron ixos sers extranios, yeran como insectos chigans, creigo que nos son zorruspando a sangre, pero no en soi seguro.

A verdat ye que pareixeba estar seco, asinas que o capitán dezidió de soltar a toz os que yeran en ixas madaixas. Ixo abió de enchegar bella alarma en a nau atacán, porque a os pocos minutos rezibieron una trucada dende a nau.

– Capitán, una nau plega de salir de velocidat super luz. Ye muito extrania, pareixe feita de material organico.

– Mantienga o escudo puyau, e no ubra fuego si no le'n provocan.

D'a nau en salió unatra más chicota que se dirichió enta nusatros en a nau de mercadurías. Tamién en baixoron tres insectos de dos metros d'altaria. Lorién tornó a enchegar o traductor.

– Cómo ye posible que s'haigan escapau? –Se preguntaban os insectos.

– Quí soz vusatros? –Preguntó Lurp, o capitán.

– Qué quí somos? Hahaha, somos os dueños d'este cuadrán, soz en o nuestro territorio.

– Vusatros ez quitau a sangre a tota esta chen?

– Prou que sí, yeran en o nuestro territorio, asinas que yeranos quitando-les-ne, ye o nuestro alimento, pa minchar-ne dimpués.

– Pos ixo s'ha truncau. Ya no lo ferez.

– Boh que no, l'unico que ha cambiau ye que agora tenemos siet fuens más d'alimentación.





A batalla escomenzió, Yo iba d'un costau ta l'otro, correndo, como si estase barrenau. A la fin trobé un esconderillo. Cuan solo quedaban o capitán e uno d'os insectos, o capitán yera a segundos de que lo matasen, cuan a yo me podió más o sentimiento de deber que no lo miedo, disparé a mía arma láser contra o insecto, que cayó fulminau a tierra.

A nau enemiga se'n fue, luego e de tornada pa os expedizionarios tot yeran caras largas, eban perdiu a zinco ombres e toz os tripulans d'a nau que ébanos veniu a explorar, yeran muertos.

Continuamos o viache, o capitán no deixaba de preguntar-se quí yera ixa raza. E por qué dizioron que controlaban un territorio. Alcaso yeran un nuevo imperio a tener en cuenta? No pareixeba importar-les cuánto d'intelichén yera una raza. Con que tenese sangre s'alimentaban d'ella.

– A Federación ya ye informata, ellos se'n encargarán –informó dende o puen, o capitán.

No insistimos en adentrar-nos en o que creyébanos yera territorio d'ixos monstros, si una cosa tiene l'universo, ye que ye inmenso.



Capítol 4. A la fin conoxco a os Turz

Yéranos explorando un atro cuadrán que yera nuevo pa nusatros, en ixa s'ubrioron tres finestras de superluz, d'as cuals salieron tres naus de combate Turz.

- Capitán i ha tres finestras de superluz debán de nusatros, so, so, son... Turz
- me quedé enarcau– yeran els os que quereban conquistar o mío planeta, e los teneba debán de yo... Solo sentiba fredo.
- Comunicazions, contacte. A veyer qué quieren estos agora.
- Comunicación establida.
- En pantalla.
- Nau d'a federazió estelar, son en o nuestro territorio, han de marchar *ipso facto*.
- Ixo no ye verdat, esto no perteneixe a o imperio Turz.



- Emos arribau primero y l'emos anexionau.
- No, segundes yo lo veigo.
- Si lo que quiere ye una batalla la tendrá.
- Puyen escudos –chiló Lurp.
- Escudos alto.
- Armas!
- Torpedos 1 y 2 con blanco fixau.
- Fuego!
- Nau Turz 1 sin enerchía, tardarán trenta segundos a reestablr-la. Nau Turz 2 sin soporte vital, tienen un forau en o casco, ye perdita.
- Cañón laser, nau 3, ya!
- Nau 3 responde a o fuego, os nuestros escudos son a o 60%.
- Tenemos atos torpedos ya?



- Si, señor. Cargaus e prestos.
 - Fuego!
 - Nau Turz 3 sin armas debán. Nau Turz 1 zabucada. Ubren finestra de superluz. Se'n son íus.
- Yo no me lo podeba creyer, ébanos zabucau tres naus d'os Turz en un petén con una nau que debán d'ellas pareixe de chuguete. Mama mía! A tierra yera segura con els.
- L'aventura escomenzipia agora!

Fin

